

Su campanili cuadrau, mannu, in perda arenària, dd'ant aciuntu a cumentzu de su séculu XIX e in su 1982 ant realizau su sagrau chi abarrat a palas de sa faciada. In dí de oi sa crésia tenit una navada iscéti cun bóvida a carrada cun is capellas chi si aberrint a ladu cullegadas intra de issas cun arcus a bicu acutzu. Sa faciada no tenit ornamentus foras de una guarnissa a dentixeddus a parti de susu. Su portali de linna est mannu e abarrat tancau intra de duas parastas de perda postas de truessu.

Sa crésia allogat alàscias sacras de unu certu interessu artísticu, cumentu a s'espositóriu e sa gruxi prutzezionali in prata de su 1700, una cullera batisimali datada fini XVI/cumentzu XVII séculu e sa fonti batisimali de butega sarda de su séculu XIX in linna e perda. In sa parti de linna, in sa portixedda de mesu, est afigurau su Batiari de Cristu.



Santu Giuanni Batista



Is fotografias de sa crésiedda de Santu Sciori e de sa faciada de sa crésia de Santu Giuanni Batista funt bogadas de su giassu de su Comunu de Pabillonis.

# IS CRÉSIAS DE PABILLONIS

Progetu gràficu a incuru de s'Ufìtziu Lìngua Sarda de Pabillonis

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.



## SANTU GIUANNI BATISTA



Est sa crésia prus antiga de Pabillonis, difati est de su séculu XIII in istili romànicu cun pranta retangulari a una navada iscèti e cun bóvida a carrada. Sa faciada acabbat cun unu campanili a vela e duas campanas, una de su 1594. Unus dexi annus innantis is morus iant atacau sa bidda de Pabillonis e genti meda si fiat cuada aintrus de sa crésia, ma cussus ddus iant aciapaus e béndius in Àfrica che a iscaus. Àterus si fiant cuaus in mesu de unu padenti de àbiu e de ingunis iant domandau s'agiudu de Santu Giuanni e si fiant sarvaus. De intzaras sa dí de sa festa de su santu, su 29 de Austu, sa comunidadi pabillonesa torrat

gràtzias a su santu andendi in prutzezioni cun is carrus de s'àbiu. Aintrus de sa crésia est allogau un'altari de linna de unu certu interessu artísticu chi fiat cussu tocau de su fogu candu s'agatàt in sa crésia parrochiali.

## SANTU SCIORI

In Pabillonis ddoi at un'àtera cresiedda in su sartu chi est dedicata a Santu Sciori e chi est de s'acabbu de is annus '60 de su séculu passau. Un'àtera crésia dedicata sèmpiri a Santu Sciori fiat sa parrochiali de sa bidda antiga de Pabillonis, chi fiat pesada asuba de sa biddixedda de su nuraxi omónimu.



## BIADA VÍRGINI DE SA NÍ



Sa crésia parrochiali de Pabillonis est dedicada a sa Biada Vírghini de sa Ní e s'agatat in sa mesu bidda, a pagu tretu de sa crésia de Santu Giuanni Batista. Antigamenti sa bidda de Pabillonis fiat acanta de su Flùmìni Mannu, innui ddoi at a crésia de Santu Sciori chi fiat sa parrochiali, agoa, candu ant fabricau sa crésia noa dedicata a sa Vírghini sa genti a pagu a pagu s'est trasferia po fai nasci sa bidda noa. In dí de oi non si scít pretzisu candu dd'ant pesada, ma iat a podi essi in su séculu XVI o su prus tradu a printzípiu de su séculu XVII. S'impiantu originàriu fiat prus piticu de cumentis est oi e teniat una gruxi latina cun duas capellas "de su Rosàriu" e "de su Prugadòriu". In su séculu XVII sa crésia dd'ant ammanniada: in su 1634 ant allonghiau su presbitèriu de 11 metrus e ant fatu una crabetura a carrada; in su 1655 ant acabbau de fai is àteras crabeturas. In su 1859 funt cumintzaus is trabballus po realizai s'altari magiori in màrmuri, po arremprasai cussu de linna prus antigu e beni decorau chi iat tentu dannus po mori de su fogu; sèmpiri intzaras iant fatu sa balaustrera in màrmuri po arremprasai cussa prus antiga de linna e iant torrau a fai su pomentu de su presbitèriu de su coru.